

四庫全書

經部

欽定四庫全書

經部

儀禮集編卷三十九

詳校官監察御史臣周元良

給事中臣溫常綬覆勘

總校官進士臣楊懋珩

校對官中書臣趙秉淵

謄錄監生臣杜宗曜

欽定四庫全書

儀禮集編卷三十九

龍里縣知縣盛世佐撰

有司徹第十七之一

鄭目錄云少牢之下篇也上大夫既祭饗尸於堂之禮若下大夫祭畢禮尸於室中無別行饗尸於堂之事天子諸侯之祭明日而禫有司徹於五禮屬吉

疏曰言大夫既祭饗尸於堂之禮者謂上大夫室中

事尸行三獻禮畢別行儻尸於堂之禮又云祭畢禮尸於室中者據下大夫室內事尸行三獻無別行儻尸於堂之事即於室內為加爵禮尸即下文云若不儻尸以下是也

敖氏曰此別為一篇及其名篇之意皆與既夕同

郝氏曰有司徹承上養事畢有司徹室中饌儻尸於堂之禮儻尸即繹凡大祭明日繹春秋辛巳有事於大廟壬午繹少牢之儻即祭日也此篇本合少牢為

一昔人以簡札繁析之猶既夕於士喪也鄭因謂有司儻尸為上大夫不儻尸為下大夫儻與不儻事故適然或祭有大小禮有損益未可據此分大夫之上下也

世佐案陸氏釋文敖氏集說此篇名皆無徹字當從之餘見既夕

有司徹

註曰徹室中之饋及祝佐食之俎卿大夫既祭而儻

尸禮崇也備尸則不設饌西北隅以此薦俎之陳有祭象而亦足以厭飫神天子諸侯明日祭於祊而繹春秋傳曰辛巳有事於大廟仲遂卒于垂壬午猶繹是也爾雅曰繹又祭也

教氏曰徹室中之饋及養者之豆爵與祝之薦俎也祝不自執其俎以出是未歸也其二佐食乃衆賓為之室中事畢亦反於賓位然則祝與佐食皆當與賓尸之禮矣此時有司徹祝俎或設於堂下與主人於

養者之退亦反入於室及有司既徹則出立於阼階東也

張氏曰有司謂司馬司士宰夫之屬徹徹去祭時之饌不償尸者尸出之後設饌於西北隅以厭飫神謂之陽厭此既償尸有祭象故不設饌西北隅為陽厭也此償尸與祭同日天子諸侯則明日為之名曰繹繹之禮設祭於廟門外之西室謂之祊而事尸於堂則為繹故註云天子諸侯明日祭于祊而繹祊繹同

金匱要略卷之九
卷三十九
時而大名曰繹又正祭時亦有祊祭但正祭之祊在
廟門內明日又祭之祊於廟門外

掃堂

註曰為僮尸新之少儀曰汎掃曰掃掃席前曰拚

司宮攝酒

註曰更洗盃整頓之

疏曰洗當作撓見士冠禮

從楊氏
闕節本

乃燂尸俎

註曰燖温也温尸俎於爨所亦温焉獨言温尸俎則
祝與佐食不與儻尸之禮古文燖皆作尋記或作燖
春秋傳曰若可燖也亦可寒也

教氏曰俎俎實謂尸前之羊魚豕及所加於所俎者
也雍爨之所燖者固不止此是特為其已在俎者言
之耳祝佐食亦與賓尸之禮其俎實不燖者以無上
位略之但因其故俎而已

卒燖乃升羊豕魚三鼎無腊與膚乃設扃甯陳鼎於門

外如初

註曰腊為庶羞膚從豕去其鼎者儻尸之禮殺於初如初者如廟門之外東方北面北上

教氏曰少牢當五鼎此乃無腊與膚鼎者賓尸之禮膚不專俎而附於豕俎故是時亦不可以專鼎而惟附於豕鼎也然鼎數宜奇是以併去腊鼎而為三焉腊全不用者此禮賤於祭而腊又賤故略之

右燂尸俎

乃議侑于賓以異姓

註曰議猶擇也擇賓之賢者可以侑尸必用異姓廣敬也是時主人及賓有司已復內位

教氏曰議侑于賓謂與賓長謀議可以為侑者也此與鄉飲酒就先生而謀賓介之意相類以異姓謂於眾賓之中擇之也必異姓者以尸既同姓故侑須用異姓侑之言佑也所以輔助尸者也賓尸而立侑亦示敬尸之意且貴多儀也

世佐案尸之有侑猶賓之有介也皆副貳之義

宗人戒侑

註曰戒猶告也南面告於其位戒曰請子為侑

疏曰知南面告於其位者以賓位在門東北面請以
為侑明面鄉其位可知

侑出俟于廟門之外

註曰俟待也待於外

外本或
作次

當與尸更入主人興禮

事尸極敬心也

右立侑

司宮筵于戶西南面

註曰為尸席也

郝氏曰戶西室戶西室在堂北戶稍東筵于戶西則
堂正中也

世佐案戶西即戶牖間客位也席尸於此蓋以賓
禮事之

又筵于兩序東面

註曰為侑席也

尸與侑北面于廟門之外西上

註曰言與殊尊卑北面者賓尸而尸益卑西上統於賓客

疏曰備尸之禮以尸為賓客當在門西東面北上今于門外北面執臣道是益卑也

敖氏曰尸北面者尊大夫若不敢為賓客然也其位當在門外之西祭事已尸出門則不敢以尊自居西

上賓位尚左也

郝氏曰西上尸在西

主人出迎尸宗人擯

註曰賓客尸而迎之主人益尊擯贊

疏曰案上篇宿尸祝擯今儻尸祝不與故使宗人為
擯又正祭時主人不迎尸以申尸尊今迎之尸同賓
客是主人益尊也

敖氏曰迎之而使宗人擯待賓之禮也賓客尸而迎

之亦為祭事已

主人拜尸答拜主人又拜俯答拜

教氏曰主人拜蓋西面也答拜者其皆東面與此拜皆再拜下文拜至亦然

世佐案尸俯答拜亦皆北面教云東面非

主人揖先入門右

註曰道尸

教氏曰凡主人與客揖而先入皆入門右也經獨於

此見之

郝氏曰入門右趨東階

尸入門左侑從亦左揖乃讓

註曰沒雷相揖至階又讓

敖氏曰亦三揖至于階乃三讓也惟云揖乃讓經文
省亦以其可知故也

郝氏曰尸侑入門左趨西階揖謂門內左右分首及
當塗當碑三揖乃讓謂及皆三讓

主人先升自阼階尸侑升自西階西楹西北面東上

註曰東上統於其席

疏曰賓席以東為上故也

教氏曰尸侑升自西階尸升三等侑從之中等如上
下射升階之儀也其降也亦然東上尸宜與主人相
當也

主人東楹東北面拜至尸答拜主人又拜侑侑答拜

註曰拜至喜之

郝氏曰自主人出迎及拜至皆用賓禮與祭時尸入不迎異所以為儉尸而尸稍卑矣

右迎尸侑

乃舉

註曰舉舉鼎也舉者不盥殺也

司馬舉羊鼎司士舉豕鼎舉魚鼎以入陳鼎如初

註曰如初如阼階下西面北上

疏曰如初者如上經正祭時陳鼎之事也

教氏曰司馬二人司士四人也魚鼎重言舉明其與豕鼎異人也

饗正執一匕以從饗府執二匕以從司事合執二俎以從司士贊者亦合執二俎以從匕皆加于鼎東枋二俎設于羊鼎西西縮二俎皆設于二鼎西亦西縮

註曰凡三七鼎一七四俎為尸侑主人主婦其二俎設于豕鼎魚鼎之西陳之宜具也

教氏曰一七羊匕也二七豕魚匕也四俎乃尸侑主

人主婦之羊俎也設之亦北上如鼎之序然其載之亦先北而後南也此皆羊俎其二乃在豕鼎魚鼎西者但欲使鼎前皆有俎耳不嫌其所載者異也羊鼎西特有二俎尊之也此執匕以少者為貴設俎以多者為尊亦宜也

郝氏曰西縮直西順俎橫設

姜氏曰縮之言直猶順也凡全經言南陳南肆及南順之屬皆異名而同實肆亦陳也謂其陳之皆直而

順也

雍人合執二俎陳于羊俎西並皆西縮覆二䟽匕于其上皆縮俎西枋

註曰並并也其南俎司馬以羞羊匕湑羊肉湑其北俎司士以羞豕匕湑豕肉湑豕膏湑魚䟽匕匕柄有刻飾者

䟽曰匕湑謂無肉直汁以其在匕湑也肉湑者直是肉從湑中來實無汁此二俎為益送之俎案下文次

賓羞羊七湑司馬羞羊肉湑此註并云司馬者據上
經司馬刲羊而言其實羞羊七湑者是次賓也又案
下文次賓羞豕七湑司士羞豕脊此并云司士者亦
據上經司士擊豕而言也

敖氏曰羊俎指在羊鼎西者也此二俎陳于其西亦
北上其北俎次賓以羞羊七湑豕七湑其南俎司馬
以羞羊肉湑司士以羞豕脊湑魚疏七二者羊豕之
湑宜異器也覆者為塵也二七覆于二俎之上羊七

在北豕七在南南非七湑之俎亦覆七于其上者事未至權加之耳此俎將載則更以豕七加于其北俎既則反之縮俎西枋為縮執俎者在西也

郝氏曰雍人又合執二俎並陳于羊俎西共前為六俎蓋初獻尸用三俎羊正俎羊七湑俎羊肉湑俎亞獻尸用二俎豕七湑俎豕脊俎三獻尸用一俎湑魚俎也疏七疏刻文飾之七蓋勺類以盛湑用二羊豕各一魚不用重在牲也前二俎在羊鼎西者為實羊

此二匕俎在羊俎西者為薦湑昏縮俎疏匕昏順俎橫覆其上柄在西

姜氏曰案後章經文司馬先于羊鼎之東執挑匕枋以挹湑注于疏匕次賓因進匕湑尸濟之而後司馬羞羊肉湑于尸前蓋以汁先肉如乘韋先牛之義此註所以云無肉直汁也或疑酒曰啐羹曰嘗牲體殺截肝燔之屬皆曰濟汁無肉應如鉶羹言嘗大羹不濟之例此後文言濟蓋亦有肉也此其說殊辯但非

鄭註意耳

世佐案次賓羞羊七湑司馬羞羊肉湑在主人獻尸章主人受尸酢亦然次賓羞豕七湑司士羞豕豕在主婦獻尸章致于主人亦然獻侑則但有豕豕而無湑殺于尸也上賓三獻尸尸作止爵之後司士乃羞湑魚獻侑司馬羞湑魚說者以為司馬當作司士是也致于主人亦司士羞湑魚以上諸物皆非正俎別用此二俎盛之往來迭用而不設

于席前故所羞之物雖多只用二俎而已足也其羞羊七潛豕七潛于尸與主人也尸與主人受其七祭而齊之還以授次賓次賓縮七于俎上以降其羞羊肉潛豕膏潛魚則皆載于羊俎而以其虛俎降是益送之俎例不設于席前矣二俎陳于羊俎西亦北上其北俎以羞羊七潛羊肉潛其南俎以羞豕七潛豕膏潛魚也註云南俎羞羊北俎羞豕及魚非豕肉潛即豕膏註以豕肉潛與豕膏並

言必有一行疏也所以盛湆也二羊豕各一也覆之為未用也其羞羊肉湆豕膏湆魚不須也

右舉鼎設俎

主人降受宰几尸侑降主人辭尸對

註曰几所以坐安體周禮大宰掌贊玉几玉爵

教氏曰為尸受几故尸從降侑亦降者從尸也凡尸為禮之類此者侑則從之此所以謂之侑也與

張氏曰自此盡主人及尸侑皆升就筵言主人初獻

之儀獻尸獻侑受酢凡三大節此獻尸一節內授几
獻爵主婦薦豆籩司馬載羊俎賓長設羊俎次賓進
匕潛司馬羞肉潛次賓羞燔又自有八細節主人拜
送爵而主婦薦賓長設正俎而尸祭薦司馬挹匕潛
而尸祭俎次賓授匕潛而尸啐酒告旨司馬羞肉潛
而尸齎肺次賓羞燔而尸卒爵此其相承相應之次
有不容稍紊者若司馬載羊俎之下並列十一俎則
欲以類從著諸俎之差等耳不以其次也

宰授几主人受二手橫執几捐尸

註曰獨捐尸几禮主於尸

教氏曰几自東壁來其授受於阼階東與聘禮公受

几於序端

主人升尸侑升復位

註曰位阼階賓階上位

張氏曰即上文東楹東西楹西之位也

主人西面左手執几縮之以右袂推拂几三二手橫執

几進授尸于筵前

註曰衣袖謂之袂推拂去塵示新

教氏曰推拂謂外拂之推者推手也

郝氏曰拂几則直順便也授几則橫對便也

尸進二手受于手間

註曰受從手間謙也

教氏曰察聘禮曰賓進訝受几于筵前此亦訝受也
乃云手間者但言其疏數之節耳此授受者皆橫執

几而二手之間有廣狹則凡賓主之橫執几者二手共執其一廉明矣

郝氏曰主人二手執几兩端尸併二手執几中間授者極慎受者極恭也

世佐案手間主人二手之間也云受于手間則主人之橫執几也執其兩端明矣

主人退尸還几縮之右手執外廉北面奠于筵上左之南縮不坐

註曰左之者異於鬼神生人陽長左鬼神陰長右不坐奠之者几輕

疏曰尸橫受之將欲縱設於席故還之便縮

敖氏曰主人退復位也還几還而易執之也縮執几亦用二手此惟云右手執外廉特見其一耳右廉而謂之外者以其差遠於人故也几稍高故設之不坐少儀曰取俎設俎不坐其意類此

郝氏曰還旋同既橫受復旋轉直設右手執外廉執

主人所執之方設向東曰外筵南向故北面奠于筵
上左之謂奠几筵東

世佐案廉邊也廉云外者據橫之之時而言也橫
之則以近身者為內初橫受几二手共執其內廉
至是還而縮之以右手執外廉則左手執內廉可
知必縮之者以其將北面縱設于席也

主人東楹東北面拜

註曰拜送几也

尸復位尸與侑皆北面答拜

註曰侑拜者從於尸

疏曰立侑以輔尸故侑從尸拜也

敖氏曰至此尸乃復位則是主人拜時尸在筵前東面也聘禮曰賓進訝受几于筵前東面俟公壹拜送此異於彼者先奠几與飲酒而授几其禮重故侑亦拜答拜之文主於尸也

右授尸几

主人降洗尸侑降尸辭洗主人對卒洗揖主人升尸侑
升

疏曰案鄉飲酒主人降洗賓降主人辭降賓對此中
亦應主人降洗賓降主人辭降

教氏曰辭對之儀見鄉飲酒故此畧之揖亦主人揖
尸也文省耳下放此

世佐案主人于尸侑之從降也亦當辭之尸對而
後主人適洗尸辭洗也此不見其辭降之節文不

具耳凡尸侑降階東面于西階西北上辭洗則進尸西楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵

敖氏曰獻受之儀亦當如鄉飲酒禮

張氏曰以上獻爵

姜氏曰同降而尸辭同升而尸拜亦正從之意也

主婦自東房薦韭菹醢坐奠于筵前菹在西方婦贊者

執昌菹醢以授主婦主婦不興受陪設于南昌在東方
興取籩于房體簠坐設于豆西當外列體在東方婦贊
者執白黑以授主婦主婦不興受設于初籩之南白在
西方興退

註曰昌昌本也韭菹醢醢昌本麋鷩體熬麥也菹熬
臠膏也白熬稻黑熬黍此皆朝事之豆籩大夫無朝
事而用之饋尸亦豐大夫之禮主婦取籩興者以饌
異親之當外列辟錮也退退入房也

疏曰正祭先薦後獻繹祭先獻後薦此儻尸禮與天子諸侯繹祭同故亦先獻後薦也案禮記坐尸於堂子北面而事之註云天子諸侯之祭朝事延尸於戶外是以有北面事尸之禮是特牲少牢正祭無朝事於堂直有室中之事韭菹等物皆朝事之豆籩而儻尸用之是謂豐大夫之禮然八豆八籩之中各取其四耳籩人云朝事之籩饗黃白黑形鹽臠鮑魚鱠醢人云朝事之豆韭菹醢醢昌本麋鷓菁菹鹿鷓菹

麋糲有骨為糲無骨為醢

教氏曰四豆四蔓放室中之數也賓尸以飲酒為主其禮變於饋食不可復因其薦故於其始亦變而用朝事之豆蔓焉不避君禮者變而用之無嫌也當外列麋在麋糲西也

郝氏曰韭菹醢謂韭菹醢昌菹醢謂昌本麋糲糲亦醢此四豆也麴炒麥黃炒麻子白炒稻米黑炒黍米此四蔓也韭菹在筵西醢醢在韭菹東昌菹醢陪

設於南接韭菹醢之南也昌在東次醢醢南麋醬在
西次韭菹南醢醬在豆西列于外中空二列避二鉶
也醢在東在蕢東蕢西醢東皆對韭西也白黑設于
初邊之南接醢蕢南也白在西蕢南也黑在東醢南
也白西黑東皆對麋醬之西也

張氏曰以上主婦薦豆邊

世佐案菹在西昌在東醢在東白在西此豆邊之
次皆爭設之也外列謂豆之南一列也昌菹醢在

韭菹醢之南故曰外列醴蕢之位必當外列者以
韭菹之西當空之以待鉶也郝云醴蕢皆對韭西
非初遷即醴蕢也初籩之南於豆無所對郝云白
黑皆對麋糝之西亦非

乃升

註曰升牲體於俎也

司馬牝羊亦司馬載載右體肩臂肫髀膈正脊一脰脊
一橫脊一短脅一正脅一代脅一腸一胃一祭肺一載

于一俎

註曰言戮尸俎復序體者明所舉肩髀存焉亦著脊骨皆一骨也臠在下者折分之以為肉湑俎也一俎謂司士所設羊鼎西第一俎

疏曰脊骨載一骨在正俎一骨在湑俎第一俎者在侑俎之南故下文註侑俎云北俎也故羊肉湑俎在承俎之南

教氏曰二司馬即舉羊鼎者也以下凡升羊者皆司

馬為之特於此見之耳上言燧尸俎而此肩臂臠肫
胙具有明其神俎所俎並用也復序俎實者其數及
載與進俎之法皆有異於上故爾是言載時先後之
序也其在俎則與正祭者略同惟臠後於胙為異耳
臠後於胙者以其折也折之則不為全體而在全體
之下矣臠必折者見其貶於神俎且欲以所折者為
肉湑俎也其脊脊皆一骨及腸胃各一者義亦如之
賓尸主於飲酒此俎乃有祭肺者盛之一俎謂司士

所設羊鼎西之北俎也司馬亦南面執之以載與他
俎異也既載則侑主人主婦之羊俎三亦繼此而序
載之每俎既載則遷之於阼階西亦北上西縮俟時
乃設耳所以然者為當進羊已湑羊肉湑於尸也杞
當作匕下同

郝氏曰上篇言俎實此復歷言者尸俎重載體變數
更用俎多也司馬杞羊肩臂以下共十四物載于一
俎即司士所執之二俎設于羊鼎西之第一俎也正

脊以下不言二骨並者折為衆俎也

張氏曰此尸正俎載已即當設之豆南者

姜氏曰此下三俎皆尸俎也不言尸俎為儻尸可知也此尸之俎為羊鼎西之第一俎在南侑俎為羊鼎西之第二俎在北阼俎為豕鼎西之俎主婦俎為魚鼎西之俎緣尊羊故為四正俎

羊肉膾臠折正脊一正脅一腸一胃一膾肺一載于南

俎

註曰肉湑肉在汁中者以增俎實為尸加也必為臠折上所折分者齊肺離肺也南俎雍人所設在南者此以下十一俎俟時而載於此歷說之爾

疏曰凡牲體皆出于汁此特得湑名者正祭升牲體於鼎時皆無七湑此升牲體于尸前七湑亦升焉故得湑名在俎實無汁故進羊肉湑必先進羊七湑見此湑為肉而有故在羊肉湑前進之使尸嘗之下註云齊湑者明湑肉加耳嘗之以其汁尚味是也豕亦

有匕湑不名肉湑而名豕膏者互見為文言膏者見在俎無汁言肉湑者見在鼎內時有汁也魚何以不言魚湑而云湑魚者羊先言肉後言湑使肉前進匕湑明是湑從肉來可知魚前無進匕湑故先言湑以明魚在湑可知魚無匕湑者下註云不羞魚匕湑略小味也羊有正俎羞匕湑肉湑豕無正俎無匕湑隆汙之殺十一俎即尸之羊肉湑一也豕膏俎二也脩之羊俎三也豕俎四也主人羊俎五也羊肉湑俎六

也豕脊七也主婦羊俎八也尸侑主人三者皆有魚
俎是其十一通尸羊正俎為十二俎其四俎尸侑主
人主婦載羊體俎皆為正俎其餘八俎雍人所執二
俎益送往還故有八其實止二俎也

敖氏曰云牖折者明其為牖之下也此牖蓋與後足
之轂同以無異名故但云牖折而已羊俎之外又分
其體以為此俎貴多儀也尊尸不敢用左體故分右
牖為之用齊肺亦別於其正羊肉湑與羊俎之實同

鼎而名不同以其於鼎有湑上湑中之異也羊俎西之二俎亦北上肉湑載于南俎則其北俎為羞七湑明矣凡羊肉湑與豕脊湑魚皆俟時而載因升正俎之節而遂見之欲其文相比也

郝氏曰羊肉湑羊肉連汁者以其重彘故肉有湑臠折以祭俎之臠折分也南俎即司士所執設於羊鼎西之第二俎上首為北次為南

姜氏曰據本章于二俎皆同時自鼎升載而其後乃

即所升載之俎陳設之耳註謂先載一俎而十一俎
乃俟時而載者以下經定之也羊豕七湑二俎升必
俟時者蓋一以湑恐傾不得先時預升一又以湑宜
溫自須臨時乃進故下經升時有明文也十一俎雖
同升亦自無害故經因升尸俎而併陳之然據上文
執從凡六俎不及十二俎之數理既當俟時而升况
下文益送往還之儀惟尸侑主人主婦之四羊俎為
正俎設于各筵而餘則羊七湑俎縮執以降羊肉湑

俎羊燔俎皆載加于羊俎即豕脊俎豕燔俎潛魚俎亦于羊俎載加之所以然者少牢禮以羊俎為正俎俎可容則載加之矣其長賓兄弟次賓兄弟以及內賓私人之薦俎并凡籩豆銅器之屬皆不陳之者祭器以俎為重俎又尸侑主人主婦為尊故也然註家雖為俟時而載之說而往還益送之儀不明則讀經者多疑其說故通考前後發之如此

司士牝豕亦司士載亦右體肩臂肫胙臠正脊一脰脊

一橫脊一短脅一正脅一代脅一膚五膾肺一載于一
俎

註曰臠在下者順羊也俎謂雍人所設在北者

疏曰豕脅不折臠臠亦在下順上文豕無正俎

從楊氏圖

節本

教氏曰此謂豕脅也二司士即舉豕鼎者也此下凡
升豕者皆此司士為之豕無正俎故此尸俎之體骨
皆放於羊俎此俎與羊肉潛俎同臠在胙下是亦折

矣

郝氏曰司士牝豕肩臂以下十七物載于一俎即贊者設于豕鼎西之俎也此以上三俎與後牝魚一俎皆尸俎皆升自阼階下之鼎故皆言牝羊肉潛不言牝者從上牝羊之文也又雍人所執二俎陳于羊俎之西者亦不言牝一為羊牝俎一為豕牝潛俎魚肉故不與牲體同叙

張氏曰此與上羊肉潛並事尸加俎用雍人所設二

俎傳送之者

侑俎羊左肩左肫正脊一脅一腸一胃一切肺一載于一俎侑俎豕左肩折正脊一脅一膚三切肺一載于一俎

註曰侑俎用左體侑賤其羊俎過三體有肫尊之加也豕左肩折折分為長兄弟俎也切肺亦祭肺互言之爾無羊潛下尸也豕又祭肺不齊肺不備禮俎司士所設羊鼎西之北俎也豕俎與尸同

疏曰鼎俎數奇今有四故云加

教氏曰侑無羊肉湑故羊俎得用二體前體以肩後體以肫尊之也右體皆在尸俎故此皆用左焉有肩有肫則肫在下端矣羊俎亦用祭肺者與尸俎同在堂上因其禮也胙俎亦然飲酒正禮祭以離肺其有以切肺者或盛之或有為加之或相因用之非常禮也承左肩折不用全體為羊俎已用二故於此殺之承脊體數殺於羊俎又無羊肉湑皆下尸也承脊之

肺宜如羊肉湑而用膾此乃於羊俎而用切者亦以
魚羊肉湑故也侑之羊俎司士所設在羊鼎西之南
者侑之豕俎與尸之豕脊同用南俎

郝氏曰自侑俎以下侑羊豕俎阼羊豕俎主婦羊俎
侑與主人魚俎皆不在前所設六俎之數其俎實亦
不在司馬司士所舉入三鼎之內皆別燔之而升自
門外以入因尸俎並及耳其以侑阼主婦俎併尸言
者因羊豕類及猶下文魚俎亦以侑主人從尸言也

侑俎三一羊一豕一魚阼俎主人俎四一羊一羊肉
潛一豕脊一魚主婦俎一羊

張氏曰羊左肩一俎是侑正俎豕俎則加俎註云豕
俎與尸同謂亦用雍人所設俎加之也

世佐案以下註考之膚三二字當屬衍文楊本云
膚一未知是否

阼俎羊肺一祭肺一載于一俎羊肉潛臂一脊一骨一
腸一胃一膾肺一載于一俎豕脊臂一脊一骨一膚三

齊肺一載于一俎

註曰昨俎主人俎無體遠下尸也以肺代之肺尊也
加羊肉湑而有體崇尸惠亦尊主人臂左臂也侑用
肩主人用臂下之也不言左臂者大夫尊空其文也
降於侑羊體一而增豕膚三有所屈有所申亦所謂
順而撫也昨俎司士所設豕鼎西俎也其湑俎與尸
俎同豕俎又與尸豕俎同

楊氏曰撫猶拾也拾取主禮用之

教氏曰尸之牲俎三主人亦如之故其正俎無體遠下尸也骨之屬但用肺而已臂不言左者可知也正俎太賤故加俎宜用尊體其脊脅之屬亦不嫌於與尸同也侑正俎用肩主人之加俎乃用臂蓋示其不相統之意豕脊猶言豕俎也不言肉湑者一俎而已無所別異也豕脊體數乃放羊肉湑者亦以羊俎太簡故爾此羊肉湑豕脊皆用雍人所設之南俎與尸同

張氏曰羊肺一俎主人正俎其下二俎皆加俎亦皆
雍人所設俎益送之故註云與尸俎同

姜氏曰主人與侑皆承膚三註云增于侑多承膚三
未詳當云增于侑多羊潛一耳

世佐案侑俎羊左肩左肫二體胙俎則唯臂而已
故註云降於侑羊體一也云而增承膚三則侑俎
無膚明矣今本於侑之承俎亦云膚三蓋傳寫者
誤衍之也

主婦俎羊左臑脊一脅一腸一胃一膚一膾羊肺一載
於一俎

註曰無豕體而有膚以主人無羊體不敢備也無祭
肺有膾肺亦下脩也祭肺尊言膾羊肺者文豕膚下
嫌也膚在羊肺上則羊豕之體名同相亞也其俎司
士所設在魚鼎西者

疏曰羊豕雖異脊膾之等體名則同今豕雖直言膚
不言體以豕膚在羊肺之上使爭羊之體故云相亞

若然下文主人獻賓之時司士設俎羊髀一腸一胃
一切肺一膚一所以膚又在肺下者彼取用之先後
故退膚在下

敖氏曰主婦有正俎而無豕脰下侑也必用膚者明
其可用豕脰而不用也亦與阼俎惟用羊肺之意相
近用膾肺者此俎設於房中故不因堂上之禮

張氏曰主婦有正俎無加俎

司士杞魚亦司士載尸俎五魚橫載之侑主人皆一魚

亦橫載之皆加膺祭於其上

註曰橫載之者異於牲體彌變於神膺讀如殷哱之
哱剝魚時割其腹以為大鬻也可用祭也其俎又與
尸承俎同

疏曰牲體皆橫載鬼進下生人進膺今進膺從生人
禮魚皆縮載右首於俎為縮於尸為橫祭進腓生人
進膺今橫載於人為縮不與正祭同又與生人異從楊

氏圖
節本

楊氏曰橫載則進尾也祭牛

缺字

魚此所謂魚潛

教氏曰二司士舉魚鼎者也橫載之亦縮俎其於載者則為橫此益送魚肉之俎載時皆橫執之與羞之時異於斯見之矣凡經言載俎之例惟云橫載者據俎而言也加以之字者據載者而言也此三羞潛魚亦皆迭用南俎北亦當作七

郝氏曰司士北魚是尸之魚俎尸以下俎不一設於堂上者皆止一羊俎其豕魚等俎皆以其實併於羊

俎而各執虛俎降詳見各節

張氏曰魚三俎皆用尸豕俎益送之亦若侑主人之豕齊故註云其俎又與尸豕俎同以上言司馬載尸正俎遂歷數十一俎體物皆俟事至乃載非此時遽已載也

姜氏曰膳只是大饗註疏讀如殷嘒之嘒曲甚矣

右通言載俎之法

郝氏曰案上文司士贊者與雍人所執六俎皆尸俎

文義曉然鄭以十二俎分配淆亂不可讀牲體貴賤
多寡禮曲而殺不得不詳然祭後重燂肉已糜爛欲
於階下臨薦之頃一一如法布置以登於俎亦煩且
瑣矣用禮者識其義可耳

世佐案尸俎止於四羊也羊肉湑也豕魚各一也
此與上文司士司士贊者雍人所執六俎之數不
合郝氏槩以為尸俎非

卒升

註曰已載尸羊俎

敖氏曰謂已升四羊俎也

姜氏曰卒升或通承上文升於二俎而言蓋其時將升羊俎於尸前於是尸羊俎自鼎升而各俎亦皆升矣然此下獻尸侑及主人主婦所言設俎言羞潛又言羞胥凡皆各言載與加載於羊俎而羊豕匕潛俎乃次賓羞於尸前而因縮執以退者則註疏止以卒升為升尸羊俎固自得之

賓長設羊俎於豆南賓降尸升筵自西方坐左執爵右
取韭菹捩於三豆祭於豆間尸取醴黃宰夫贊者取白
黑以授尸尸受兼祭於豆祭

註曰賓長上賓

敖氏曰賓長設俎尊尸之正俎也阼俎亦然云賓降
見尸升之節也既祭則右執爵於尸升筵主人亦疑
立於阼階東

郝氏曰羊俎即司馬所祀羊鼎西第一俎設於主婦

所薦四豆之南賓既設羊俎降尸自西楹西升尸西
南面之筵坐以左手執主人所奠爵韭菹醴蕡此北
近筵尸自取白黑在南遠宰夫贊者取授尸以併祭
於韭菹之祭間

張氏曰以上賓長設羊俎

雍人授次賓疏匕與俎受於鼎西左手執俎左廉縮之
卻右手執匕枋縮於俎上以東面受於羊鼎之西司馬
在羊鼎之東二手執挑匕枋以挹酒注於疏匕若是者

三

註曰挑謂之軟讀如或春或枕之枕字或作挑者秦人語也此二匕者皆有淺升狀如飯糝挑長枋可以抒物於器中者注猶瀉也今文挑作枕挹皆為扱疏曰淺升對常勺升深也

教氏曰疏匕與俎在羊俎西之北者也匕潛尊於肉潛故用上俎羞之陳俎時俎西縮疏匕縮俎西枋而此左手執左廉卻右手執匕枋以受潛是身當俎下

端也然則凡縮執俎者皆當其下端矣左手執俎左廉乃縮之是授受時皆橫執俎也縮執俎以受於鼎兩者惟此與豕匕潛耳二手執挑匕枋敬其事不游手也挹潛且若是則匕牲體者可知

郝氏曰疏匕即雍人陳於羊俎西之第一俎覆疏匕於上者受於鼎西就鼎取潛也左廉俎左邊縮直也卻仰手向後匕中有潛直設俎上以左手前執俎左邊右手向後仰執匕柄挑言淘挑匕亦勺似匕以淘

取羊涪於鼎注於疏七若是者三三挹三注

姜氏曰受於鼎西次賓受也又言以東面受於羊鼎
之西者申明之耳七柄疏七枋也挑七以挹涪疏七
以注潛

世佐案受於鼎西次賓受疏七與俎於雍人也此
俎鼎陳於羊俎西是時羊俎已設於尸席前其地
空故直云鼎西也俎西縮以南為左次賓以左手
執俎左廉而縮之則是西面受而身當俎之上端

矣教云身當俎下端非陳俎時疏匕覆於其上西
枋竇既西面受俎乃仰右手執匕轉其枋使近身
而於俎仍為縮也手云卻則匕亦卻可知必卻之
者以將受湑也云以東面受於羊鼎之西者謂次
賓受匕俎訖乃轉而東面以受湑於司馬也此與
上受於鼎西之文雖同而所受則異雖同在羊鼎
之西而所而亦不同姜以為申明上文亦非郝說
尤欠分曉挑匕之挑本或作挑誤註引詩或春或

枕之枕本或作枕亦誤今詩作揄蓋揄與枕通也
云此二七者皆有淺升狀如飯摻蓋舉漢法以况
摻今本誤作摻釋文作操集說作摻摻所今切木
長貌又有糝審心駮杉五音俱與飯摻之義不協
惟博雅音所斬切取也一曰執也引詩摻執子之
祛為證於義近是然摻今詩亦作摻則其誤可知
摻俗字固不足辨摻操二字義俱可通而摻之義
可以該操操不可以該摻故定從摻其義則從取

從執其音則從七消七刀二切詩摻執子之祛之
摻亦當同此音釋文所覽所斬二切皆誤也魏了
翁與張洽書中亦載此說但其言本作操魏晉間
避曹操諱改為摻則未知摻之本可以該操也吳
淑校古樂府中有摻字多改為操則未知操之不
可以該摻也儀禮圖音七肖切當是七消之譌

尸興左執爵右取肺坐祭之酒興左執爵

註曰肺羊祭肺

疏曰上載尸羊俎云祭肺一故知此是羊俎上祭肺
其羊肉湑雖有濟肺一此時未升

敖氏曰言興左執爵明其右執爵以興也下文皆然
張氏曰尸興承上文尸坐祭豆籩之節

次賓縮執七俎以升若是以授尸尸卻手受七枋坐祭
濟之興覆手以授賓賓亦覆手以受縮七於俎上以降
註曰濟湑者明湑肉加耳嘗之以其汁尚味

疏曰此七湑似大羹案特牲大羹不祭不濟以不為

神非盛此濟之者明肉湑加先進其汁而嘗之尚味故也以湑肉加在鼎有汁在俎無汁故以匕進汁大羹自門入本不在鼎不調之此肉湑在鼎已調之故云尚味也

敖氏曰若是者謂執匕俎之儀無變也卻手受匕枋則匕內鄉而便於用覆手以授賓明其變於有事之時次賓亦覆手以受統於尊者也縮俎則不復執之而二手執俎矣祭湑如祭酒然亦注於地他時湑不

祭此祭者重其在俎也。湑與肉湑相將之物，故以此先肉湑而進之。

郝氏曰：尸卻右手仰執匕柄，左手猶執爵坐而瀉湑於地以祭，乃嘗羊湑。以匕授賓，覆手，手向下，初受匕。湑將祭，仰手執之。既祭，既嚙，覆手執匕以授也。賓受虛匕，並俎下堂。凡加俎不設於堂，則直執之。蓋儻尸唯羊俎為正，奠於堂上，其羊肉湑、羊匕湑、豕脊湑、魚俎皆以其實併載於羊俎，而以虛匕俎降，不與羊俎

同設也

張氏曰以降者以此匕俎而降 監本正誤云尸卻
手受匕枋受誤作授 賓亦覆手以受受誤作授
尸席未坐啐酒興坐奠爵拜告旨執爵以興主人北面
於東極東答拜

疏曰案上篇尸不啐奠不告旨尸彌尊也至饋尸啐
酒告旨異於神奠尸禮彌卑矣

敖氏曰拜告旨不降筵以有後事也云主人北面於

東楹東明其復位下放此

張氏曰以上次賓授七涪

司馬羞羊肉涪縮執俎尸坐奠爵興取肺坐絕祭齊之
興反加於俎司馬縮奠俎於羊涪俎南乃載於羊俎卒
載俎縮執俎以降

註曰絕祭絕肺末以祭周禮曰絕祭涪使次賓肉使
司馬大夫禮多崇敬也

楊氏曰案正俎皆橫執橫奠加俎皆縮執縮奠羊涪

俎溲字衍

教氏曰尸奠爵亦於左宜避羞俎者司馬北面縮奠
俎既則西面於俎東載之

郝氏曰既進羊七溲復進羊肉溲者七溲清汁肉溲
有肉用七同也尸既奠爵祭肺膾肺反肺於羊俎司
馬乃以羊肉溲俎升奠於羊俎南取肉溲併載於羊
俎畢縮執虛俎降

張氏曰司馬縮執縮奠之俎羊肉溲俎也即雍人所

設益送之南俎也載於羊俎者載此羊肉湑於尸之
正俎也經文司馬縮奠俎於羊湑俎南疑誤觀下受
酢羞肉湑節當是縮奠湑俎於羊俎南以上司馬羞
肉湑羞監本正誤云卒載下羞一俎字

姜氏曰此云卒載乃尸濟羊肺訖而司馬以俎內凡
所升者并載於先一羊體之俎也或誤以此載為自
鼎升俎者失之矣

世佐案羊肉湑即上司馬所七載於南俎者其實

自臠折至臠肺凡六物縮執俎者其法蓋與次賓
執湑俎相似唯無七而以二手共執俎為異耳無
七者以此俎無湑也無湑而謂之羊肉湑者明上
七湑之設與此同屬羞俎特以俎不可以盛湑故
分湑與肉為二次進之也肺即此俎所盛之臠肺
也反加於俎者反之於羊肉湑俎也司馬縮奠俎
於羊俎南經文衍一湑字楊說得之知非羊七湑
俎者羊七湑之俎次賓於尸祭臠之後即受以降

不設於尸席前也必奠於羊俎南者便載也乃載於羊俎者謂以羞俎所實六物悉載於正俎也卒載縮執俎以降者羞俎不與正俎同設也

尸坐執爵以興次賓羞羊燔縮執俎縮一燔於俎上鹽在右尸左執爵受燔換於鹽坐振祭齊之興加於羊俎賓縮執俎以降

教氏曰室中之事無燔俎故此與亞獻皆用之受燔取於俎也

郝氏曰燒肉曰燔以羊燔一片直陳俎上此俎之末
陳者以載燔進尸執燔祭濟反加於羊俎賓亦執虛
俎降

世佐案此羞燔之俎不在上所陳六俎內其先所
陳處未聞士虞禮云羞燔俎在內西塾上南順

尸降筵北面於西楹西坐卒爵執爵以興坐奠爵拜執
爵以興主人北面於東楹東答拜主人受爵尸升筵立
於筵末

右主人獻尸

疏曰獻尸有五節主人獻酒并主婦設籩豆一也賓
長設俎二也次賓羞羊七湑三也司馬羞羊肉湑四
也次賓羞羊燔五也

楊氏曰案主人獻尸羞羊俎及主婦獻尸始羞豕脊
及賓作三獻之爵始羞湑魚俎今並述於主人獻尸
之時者以載俎事同一類故以類相從庶使易見也
不惟此也主人獻侑羞羊俎主婦獻侑奠豕脊又尸

酢主人羞酢羊俎主婦致爵於主人始羞豕膋又主婦羊俎亦尸酢主婦始用之今並述於主人獻尸之下者亦欲以類相從也鄭註云此以下十一俎俟時而載於此歷說之爾蓋謂此也

主人酌獻侑侑西楹西北面拜受爵主人在其右北面答拜

註曰不洗者俱獻間無事也主人就右者賤不專階
疏曰凡爵行爵從尊者來向卑者俱獻間無事則不

洗爵從卑者來向尊雖獻間無事亦洗賤不專階對
主人不就尸階者尸尊得專階也

敖氏曰獻侑亦於席前西南面也侑既拜則進受之
以復位主人既拜則立於西階東又侑降筵北面則
復就其右

張氏曰此下主人獻侑節獻爵薦豆籩設羊俎設羊
燔有四細節

主婦薦韭菹醢坐奠於筵前醢在南方婦贊者執二籩

禮貨以授主婦主婦不興受之奠醴於醢南蕢在醢東
主婦入於房

註曰醢在南方者立侑為尸使正饌統焉

疏曰凡設菹常在右便其換今菹在醢北者以其立
侑以輔尸故菹在北統於尸也

教氏曰醢在南方是豆北上也豆北上者以席南上
也主人席豆相變之法於斯見之矣下云侑升筵降
筵自北方是席南上也主婦薦豆而贊者即贊籩者

兩豆兩籩同時設故不必親取籩

侑升筵自北方司馬橫執羊俎以升設於豆東

敖氏曰凡正俎皆橫執此乃明言之者以司馬進之
嫌亦縮執也

郝氏曰羊俎即前所設侑俎羊左肩以下七物共載
者也橫執正俎也儻尸羊俎為正橫執其羊肉羊涪
豕膏涪魚以下加俎皆縮執

侑坐左執爵右取菹換於醢祭於豆間又取饗黃同祭

於豆祭興左執爵右取肺坐祭之祭酒興左執爵次賓
羞羊燔如尸禮

教氏曰不啐酒者凡堂上每獻啐酒之節皆當放於
尸上禮尸濟渚乃啐酒此無渚則不宜啐酒以異其
節侑無羊也渚者以無肉渚故也

侑降筵自北方北面於西楹西坐卒爵執爵以興坐奠
爵拜主人答拜

註曰答拜拜於侑之右

世佐案不啐酒不告旨主人拜於侑之右皆殺於尸也其禮蓋與鄉飲酒主人獻介相似

右主人獻侑

疏曰此節從獻有三事主婦薦籩豆一也司馬羞羊俎二也次賓羞羊燔三也侑降於尸二等無羊匕滫又無肉滫

尸受侑爵降洗侑降立於西階西東面主人降自阼階辭洗尸坐奠爵於篚興對

疏曰特牲少牢主人獻尸尸即酢主人主人乃獻祝
及佐食此尸待主人獻侑乃酢主人不同者此尸卑
達主人之意欲得先進酒於侑迺自飲彼尸尊欲自
達已意故先酢主人也下文賓長獻尸致爵主人尸
乃酢之遂賓意亦此類也

敖氏曰尸適洗南北面主人阼階東南面辭洗尸對
主人復阼階東西面

張氏曰此下尸酢主人節主人受爵主婦薦豆邊長

賓設俎次賓羞匕湑司馬羞肉湑次賓羞燔主人拜
崇酒凡七細節

卒洗主人升尸升自西階主人拜洗尸北面於西楹西
坐奠爵答拜降盥主人降尸辭主人對卒盥主人升尸
升坐取爵酌

註曰酌者將酢主人

敖氏曰主人亦揖乃升與前後之儀同不言者可知
也倘不升辟酢禮也與尸同升則嫌若同酢主人然

司宮設席於東序西面主人東楹東北面拜受爵尸西楹西北面答拜

疏曰特牲少牢皆致爵乃設席此賓尸受酢即設者主人益尊

敖氏曰事至乃設席略倣室中致爵之節亦所以尊尸備也既設席尸乃於席前東南面酢主人主人拜受爵復位

張氏曰主人受酢爵

主婦薦韭菹醢坐奠於筵前菹在北方婦贊者執二籩
饗黃主婦不興受設饗於菹西北黃在饗西主人升筵
自北方主婦入於房

註曰設籩於菹西北亦辟鉶

教氏曰主人之席亦南上而菹在北方豆席相變之
法愈可見矣升筵之節侑速於尸主人速於侑皆所
以示其異

張氏曰主婦薦主人豆籩

長賓設羊俎於豆西主人坐左執爵祭豆邊如侑之祭興左執爵右取肺坐祭之祭酒興

郝氏曰羊俎即前胙俎羊肺祭肺同載者

張氏曰設主人羊俎

世佐案如侑之祭謂亦右取菹揆於醢祭於豆間又取醴蕢同祭於豆祭啐酒不告旨酒已物也

次賓羞七湑如尸禮席末坐啐酒執爵以興

教氏曰祭酒興亦左執爵乃受七湑

張氏曰羞主人匕涪

姜氏曰如尸禮如其縮執却受覆手縮匕之屬但主人不告旨也

司馬羞羊肉涪縮執俎主人坐奠爵於左興受肺坐絕祭齊之興反加於涪俎司馬縮奠涪俎於羊俎西乃載之卒載縮執虛俎以降

註曰奠爵於左者神惠變於常也言受肺者明有授言虛俎者羊涪俎託於此虛不復用

疏曰此俎雍人所執陳於羊俎西在南者云不復用見下次賓羞羊燔於主人則用北之豕俎用北之豕俎而得羊燔禮殺也

教氏曰奠爵於左辟肉湑俎也受肺亦取於俎言受者執俎以進亦授也故取之云受言虛俎者見其盡載於羊俎而無所釋也此經言羞湑俎一節其文有加尸者所以足其義非異也

郝氏曰次賓羞七湑司馬羞羊肉湑之俎皆即羞尸

之匕俎雍人所設於羊俎西者也肉有潛昏用匕主人嚼肺及加於羊俎司馬乃截羊肉潛於羊俎執虛俎降與前獻尸同反加於俎坊本多一潛字誤當刪

張氏曰羞主人肉潛

姜氏曰俎降皆虛此獨云虛蓋文有衍縮也舊謂虛不復用而下羞燔用北之豕俎者非

世佐案此與羞尸羊肉潛之儀同但文有加詳耳

反加於湑俎湑字非衍也說見上郝說誤

主人坐取爵以興次賓羞燔主人受如尸禮

疏曰燔即羊燔主人與尸侑皆用羊體主婦獻尸以後悉用豕體賓長獻尸後悉用魚從

教氏曰燔不言羊可知也

張氏曰羞主人燔

世佐案如尸禮者如其縮執俎縮一燔於俎上以下之儀也

主人降筵自北方北面於阼階上坐卒爵執爵以興坐
奠爵拜執爵以興尸西楹西答拜主人坐奠爵於東序
南

註曰不降奠爵於篚急崇酒

世佐案東序南主人奠酬爵之常處鄉飲酒鄉射
禮賓酬主人訖皆云主人坐奠爵於序端是也不
奠於篚者蓋為後獻衆賓用之

侑升尸侑皆北面於西楹西

註曰見主人不反位知將與已為禮

世佐察主人卒爵而尸酢主人之禮畢矣故侑至是乃升皆北面於西楹西者如其初升之位也亦

東上

主人北面於東楹東再拜崇酒尸侑皆答再拜主人及尸侑皆升就筵

教氏曰此尸酢主人主人拜崇酒而侑亦答拜者緣主人意亦欲并謝已也云主人及尸侑先後之辭也

後文放此升就二字宜行其一

右尸酢主人

張氏曰主人
初獻禮竟

疏曰此亦有五節尊主人故與尸同

司宮取爵於籩以授婦贊者於房東以授主婦

註曰房東房戶外之東

敖氏曰以授主婦婦贊者以授主婦於房中也上篇
亞獻畢主婦以爵入於房今司宮乃取爵於下籩以
授者其有司徹之後此爵又反於下籩與

張氏曰自此至尸主人及侑皆就筵凡四節皆主婦
亞獻之事獻尸一也獻侑二也致爵於主人三也受
尸酢四也

世佐察房東即房戶也說見上篇註說非

主婦洗爵於房中出實爵尊南西面拜獻尸尸拜於筵
上受

註曰尊南西面拜由便也

疏曰賓主獻酢無在筵上受法今尸於筵上受者以

婦人所獻故尸不與行賓主之禮故不得各就其階
敖氏曰尸拜於筵上受以其殺於主人且因室中之
禮也後三獻放此

郝氏曰尊即祭時尊於房戶間者主婦洗爵出尊前
酌酒即尊前西面拜獻尸尸即筵上拜受禮變於主
人殺也

主婦西面於主人之席北拜送爵

郝氏曰主婦退就主人席北西向又拜婦人俠拜也

世佐案拜送於主人之北亦因室中之位而為之入於房取一羊鉶坐奠於韭菹西主婦贊者執豕鉶以從主婦不興受設於羊鉶之西興入於房取糗與暇脩執以出坐設之糗在黃西脩在白西興立於主人席北西面

註曰飲酒而有鉶者祭之餘鉶無黍稷殺也

教氏曰飲酒而有鉶尸尊亦盛之設二邊而主婦親取之以其與鉶異類不可相因也糗與脩雜用饋食

之邊也去棗用脩以示其變糗脩北上明不與初儀
序下儀類此

郝氏曰羊鉶羊羹之和者奠於韭菹西即前云豆西
之外列醴蕡之內也豕鉶在羊鉶西是醴之東也糗
乾米餅暇脩即脯也糗在蕡西脩在白西南北直陳
也二鉶用贊者糗脩皆親執鉶鼎重故特執脩脯輕
故并執也

張氏監本正誤云立於主人席北西面西面誤作面西

姜氏曰二銅二籩如上二豆二簋各執之例亦宜主婦執二銅以設而婦贊者執二籩以授今主婦止執羊銅婦贊者執豕銅而主婦又自興入房取二籩者二銅非可雙執故主婦與贊者分執之而二籩可雙執乃獨親執之也

世佐案二銅皆繼非菹而西在體賁之北也郝說之誤辨見上銅之為器大於籩二銅當二籩而有餘故於其南又設二籩焉而饌方矣饌在賁西脩

在白西糗北而脩南也無黍稷儻尸主於飲也

尸坐左執爵祭糗脩同祭於豆祭

教氏曰於此乃云尸坐是受爵時立也祭糗脩之祭當如下文作取蓋字誤也

以羊鉶之柶梲羊鉶遂以挹豕鉶祭於豆祭祭酒

教氏曰祭鉶乃祭酒者是禮初獻祭酒之節居其祭之四三獻居其祭之二故於此特居其祭之三以序之且示禮殺有漸也 案上經云以挹澆注曰今文

挹皆作扱皆此經文也案士昏禮聘禮賓以柶祭醴
二記皆云始扱一祭人公食大夫禮曰扱上銅以柶
辨搗之上銅之間祭蓋以柶取物而祭則必扱之此
亦以柶祭銅也宜云扱與彼同不宜云挹當從今文
次賓羞豕七湑如羊七湑之禮

教氏曰如者如其左手執俎左廉以下之儀其異者
次賓自縮執匕俎以受雍人不復扱之也羞豕七湑
亦用羊七湑之俎其匕則殊乃鄰之覆於羊俎西之

南俎之上者也。將羞此酒，則以羊七與之，易處焉。既則各反之。

郝氏曰：豕七，涪豕肉汁盛以疏七載以俎，即羊俎西之第二七俎也。

尸坐啐酒，左執爵嘗，上鉶執爵以興，坐奠爵拜。主婦答拜，執爵以興。

教氏曰：此嘗鉶拜也，不告旨異於主人也。特牲饋食禮曰：尸祭鉶嘗之，告旨主人拜，尸答拜。

郝氏曰嘗上銅齊羊銅也羊左為上

司士羞豕脊尸坐奠爵興受如羊肉湑之禮坐取爵興
教氏曰奠爵亦於左

郝氏曰豕脊即前司士所北載豕右肩以下十七物
共載者也受如羊肉湑之禮亦奠於羊俎西併於羊
俎縮執虛俎以降等禮同也

次賓羞豕燔尸左執爵受燔如羊燔之禮坐卒爵拜主
婦答拜受爵

教氏曰受爵亦於其席也下文放此

右主婦獻尸

疏曰亞獻凡五節設兩銅一也設糗脩二也次賓羞豕七滷三也司士羞豕胥四也次賓羞豕燔五也

酌獻侑侑拜受爵主婦主人之北西面答拜

註曰酌獻者主婦

教氏曰亦拜於筵上受蓋不敢異於尸不言者可知也北亦席北

世佐案主婦不挾拜下於尸

主婦羞糗脩坐奠糗於體南脩在黃南脩坐左執爵取
糗脩兼祭於豆祭

敖氏曰無劔亦殺也不祭酒者上禮尸祭劔乃祭酒
此無劔則不祭酒其義與上不啐酒同

世佐案脩在黃南在糗之東也

司士縮執豕脊以升脩興取肺坐祭之司士縮奠豕脊
於羊俎之東載於羊俎卒乃縮執俎以降脩興

註曰豕脊無潛於侑禮殺

教氏曰取肺亦右取之肺謂切肺豕脊無潛者初獻無羊潛故此雖有豕脊亦不用潛也

郝氏曰豕脊即前侑俎豕左肩折以下七物共載者也

次賓羞豕燔侑受如尸禮坐卒爵拜主婦答拜受爵
教氏曰如尸禮亦受羊燔之禮也

右主婦獻侑

疏曰降於尸二等無錮羹與豕匕滫

酌以致於主人主人筵上拜受爵主婦北面於阼階上

答拜

註曰主婦易位拜於阼階上辟併敬

疏曰前主婦獻尸俯拜送於主人北今致爵於主人
拜於阼階上者辟併敬主人與尸俯故易位也案特
牲三獻爵止乃致爵此未三獻已致爵者以上篇已
有獻於尸故此不待三獻又見備尸禮殺故早致

教氏曰筵上受因尸禮也北面答拜放室中之儀也
與主人行禮故亦得獨拜於阼階上

郝氏曰主人筵在東序西向拜受主婦阼階上北面
答拜於主人之西南也

世佐案是時主人於筵上拜受主婦若亦於主人
之席北西面答拜則是與主人同面矣故之阼階
上北面於主人之南鄉主人也註說似曲

主婦設二銅與糗脩如尸禮

敖氏曰有銅者阼俎如尸故銅亦因之設二銅羊在
菹北豕在羊北設糗脩糗在體北脩在黃北

姜氏曰如尸禮如獻尸之授受奠設也

主人共祭糗脩祭銅祭酒受豕匕湑拜啐酒皆如尸禮
常銅不拜

註曰主人如尸禮尊也其異者不告旨

疏曰案前主婦獻尸尸坐啐酒左執爵嘗上銅執爵
以興坐奠爵拜拜雖在常銅下其拜仍為啐酒是以

特牲少牢尸嘗鉶皆不拜或此經啐酒之上無拜文
有者衍字也

教氏曰此啐酒為將嘗鉶也嘗鉶不拜鉶已物也言
此以別於尸禮 本云拜啐酒疏曰或此經啐酒之
上無拜文繼公謂啐酒之上不當有拜今從疏之所
謂或本者去拜字

郝氏曰前尸啐酒嘗上鉶與拜今主人嘗鉶不拜凡
拜為啐酒也尸拜啐酒在嘗鉶後此嘗鉶不拜為不

拜啐酒上文拜啐酒之拜當是衍字鄭謂嘗劍不拜
為不告旨夫尸告旨惟主人初獻主婦亞獻尸亦不
告旨告旨與啐酒同拜既云拜啐酒又云不拜何以
明其為不告旨也

張氏曰案疏言謂經嘗劍不拜正謂啐酒不拜耳啐
酒上拜字衍又註云其異者不告旨其意亦然主婦
獻尸尸啐酒拜亦告旨之意也 監本正誤云主人
其祭糗脩其誤作共

姜氏曰皆如尸禮通謂祭糗脩以下及受羊也溇以下凡祭齎啐之屬正祭凡嘗鉶皆不拜儻尸則尸拜者尸就卑也主人於主婦則尊矣故不拜也又主人受豕也溇拜如尸禮獨嘗鉶則不拜明其禮殺也案經文甚明註蓋誤

世佐案云嘗鉶不拜著其異於尸者耳其他則皆如尸受主婦獻之禮也今上文考之彼於主婦設二鉶二籩之下即云尸坐左執爵祭

教云當糗作取

脩同祭於豆祭即此所謂共祭糗脩也又云以羊

鉶之杞挹

教本作
挹下同

羊鉶遂以挹豕鉶祭於豆祭祭酒

即此所謂祭鉶祭酒也又云次賓羞豕七湑如羊

七湑之禮尸坐啐酒即此所謂受豕七湑啐酒也

受豕七湑與啐酒之間絕無所謂拜者則此經拜

字之為衍文信矣彼又云左執爵嘗上鉶執爵以

興即此所謂嘗鉶也但彼於執爵興之後復坐奠

爵拜而此則否是其異也嘗鉶而拜重其禮也主

人之不拜下尸也正祭時尸嘗釶啐酒皆不拜尸
尊也至是以賓禮待尸尸於主人之獻啐酒則拜
於主婦之獻嘗釶則又拜尸益卑也其於主婦之
獻拜釶而不拜酒者以釶是主婦所親設而酒則
與主人所獻同出一尊臯已告旨訖故於是略之
也至於主人之啐酒不告旨則於受尸酢時已然
而此所云皆如尸禮者亦足以蔽之矣不必別言
也註乃以不告旨釋不拜失經意矣疏家又曲為

之說皆非也又案共祭猶言兼祭也共坊本或作
其誤今以監本為正張氏反謂監本誤去取失當
其受承胥受承燔亦如尸禮坐卒爵拜主婦北面答拜
受爵

世佐案如尸禮者如其司士羞承胥以下至受燔
如羊燔之禮也此累言二事而不見其羞之之人
及主人興坐奠爵執爵之節文更略

右主婦致爵於主人

疏曰此亦有五節行事與尸同

尸降筵受主婦爵以降

註曰將酢主婦

教氏曰主婦受爵尸即降筵主婦以尸將受已爵也
其西面於主人之北以待之與

郝氏曰必待主婦致爵主人而後酢者尊主人使先
受獻也

主人降侑降主婦入於房

教氏曰侑主人降從尸也主婦入於房尸降為已宜
辟之也凡婦人於丈夫之為已而降洗者例無從降
之禮蓋於此篇及士昏禮見之矣

主人立於洗東北西面侑東而於西階西南

註曰俟尸洗

教氏曰設洗當東榮而主人降位在阼階東直東序
則宜西於洗北又上文侑降立於西階西此亦從降
也而主人云洗東北侑云西階西南未詳疑文有誤

衍也

世佐案凡主人於賓之為已洗也降立於阼階東西面當東序辭則進而南面其禮見鄉飲酒鄉射今乃東於洗者以其不為已而洗故也夫婦一體尸為婦洗主人雖不代為辭而亦違其故位焉示不敢當也西階西東面乃賓介降立之位而介又在賓南尸如賓侑如介故侑之降位宜在西階西少南也上經云侑降立於西階西不言南此乃足

成其義非有異也教疑文有衍誤非

尸易爵於篚盥洗爵

註曰易爵者男女不相襲爵

教氏曰易爵酢主婦因室中之禮也

主人揖尸侑

註曰將升

教氏曰亦異揖之於此乃并揖侑者以勳者尸酢主人之時侑不升故也必揖之使升者尸酢之意已見

於前今無嫌也

主人升尸升自西階侑從主人北面立於東楹東侑西
楹西北面立

註曰俟尸酌

尸酌主婦出於房西面拜受爵尸北面於侑東答拜主
婦入於房

敖氏曰西面亦於主人席北蓋尸亦就此位而酢之
姜氏曰拜則出禮也拜即入嫌也

司宮設席於房中南面主婦立於席西

註曰設席者主婦尊今文曰南面立於席西

疏曰賓長以下皆無設席之文

教氏曰既受爵乃設席降於主人也席南面變於不
賓尸之禮也立於席西者亦西為下未設豆而立席
西亦異於上 鄭本無南面字註曰今文曰南面立
於席西繼公謂宜從今文入南面字

世佐案房中南面主婦之正位也故受酢設席於

此

婦贊者薦韭菹醯坐奠於筵前菹在西方婦人贊者執
醴黃以授婦贊者婦贊者不興受設醴於菹西黃在醴
南

註曰婦人贊者宗婦之少者

世佐案云婦人贊者所以別於婦贊者也婦贊者
即主婦贊者一人也其服飾與主婦同蓋以宗婦
之長者為之其次為婦人贊者則贊此長婦者也

主婦升筵司馬設羊俎於豆南

郝氏曰羊俎即前主婦俎羊左臠以下七物共載者也豆南當菹醢南菁東也

主婦坐左執爵右取菹揆於醢祭於豆間又取醴菁兼祭於豆祭主婦奠爵興取肺坐絕祭濟之興加於俎坐
扱手祭酒啐酒

註曰扱手者於帨帨佩巾內則曰婦人亦左佩紛帨
教氏曰凡祭離肺者必扱手經不盡見之也

世佐案啐酒而不告旨其義與主人同

次賓羞羊燔主婦興受燔如主人之禮

姜氏曰如主人受尸酢也

主婦執爵以出於房西面於主人席北立卒爵執爵拜
尸西楹西北面答拜主婦入立於房尸主人及侑皆就
筵

註曰出房立卒爵宜鄉尊不坐者變於主人也執爵

拜變於男子也

張氏曰鄉尊謂對尸而卒爵

叔氏曰出房卒爵宜成禮於所酢者之前也立卒爵
婦人常禮也立卒爵而拜既惟人君及主婦耳其異
者奠爵與執爵也燕禮曰公立卒爵坐奠爵拜云立
於房見其不就席


郝氏曰主婦受爵卒爵則於堂薦祭以至啐酒羞燔
皆於房執爵拜婦人立拜也

右尸酢主婦

張氏曰主婦
亞獻禮竟

疏曰此科內從酢有三婦贊者設豆籩一也司馬設

羊俎二也次賓羞羊燔三也主婦與侑同主人與尸
同尊卑差也



儀禮集編卷三十九